

HIB MA GALO

FAAFINTA

RASMIGA AH

الرسمية



الجريدة

JAMHUURIYADDA DIMOQRAADIGA SOOMAALIYA

لجمهورية الصومال الديمقراطية

Sannadka 7aad

Muqdisho, 1 Maarso 1979 L. 3

Laanta Faafinta Rasmiga ah ee Madaxtooyada J.D.S.

FAAFINTA BIL SOO BAXA

بريده سهريه

QIIMADU: waa 5 shilin lambar waliba — **RUKUNKA:** Sanadii waa Sh. 100 Somaliya gudeheeda — dibadeedana waa Shs. 300. Rubunka la weydiisto waqtiga loo gooyey wuxuu ka bilabmaa 1 Janayo. Qimaha qortitaanku F.R. halkii sadar iyo waxii ka yar waa 2 laba Sh. — Rukunka iyo qortitaanku waxaa la weydiistaa Laanta Maamulka Faafinta Rasmiga ah — Lacagta waxaa lagu bixinayaa Xanska Canshuraha ee Wasaaradda Lacagta

KOOBNIIN

QAYBTA KOOWAAD

SHAHRCI

- SHARCI L. 5 ee 19 Feb. 19, Mashruuca Harumarin-Boga ta Beerahâ :- 180
- SHARCI L. 6 ee 19 Feb. 79, Dhismaha Machadka » Teknolojiyada Soomaaliyeed :- 187
- SHARCI L. 7 ee 19 Feb. 79, Billadaha Maamuuska » Milleteriga :- 194

QAYBTA LABAAD

XEER

- XEER WASAARADDA H. GUUD L. 17 ee 1 Feb. 79, » Qaadid Guryo Dan Guud awgeed ee waqti hore uu lahaa Shariif Saalax Xasan Cumar oo ay la wareegtay Bankiga Horumarinta Soomaaliyeed kuna yaal Muqdisho Degmada Shingaan :- 200
- XEER WASAARADDA B. IYO IS. L. 18 ee 5 Feb. 79, » Xeer Nidaamiye Farsama yaqaannada Isgaarsiinta loo eabinayo dhammaan Waaxyaha :- 202

QAYBTA KOOWAAD

SHARCI L. 5 ee 19 Feb. 1979 Mashruuca horumarinta Beeraha ISAGOO ARKAY: Xaashida 1aad iyo tan 2aad ee Kacaanka 21 Oktoobar 1969;

ISAGOO ARKAY Heshiiska Lamb 635/50 Taariikhdiisuna 7.7.76 ee dhexmaray Dawladda JDS iyo Bangiga Adduunka (IDA)

Adduunka (IDA) kuna saabsan amaah lacageed oo loogu tala galay horumarinta Beeraha G. W. Galbeed.

ISAGOO AQOONSADAY: Inay tahay lagama maarmaan in la dhiso hay'ada madaxbannaan oo ka mas'uul ah fulinta howlaha la xiriira heshiiska xusan.

ISAGOO TIXGELINAYA Go'aanka Guddiga Siyaasadda ee X. H. K. S. iyo kan Golaha Wasiiradda.

Wuxuu soo saaray

Sharciga soo socda

qod 1aad

DHISMAHA MASHRUUCA

- 1) Mahruuca horumarinta Beeraha ee Gobolka waqooyi Galbeed oo iminka wixii ka dambeeya lagu magacaabi doono «Mashruuca» ayaa halkan lagu dhisyay.
- 2) Mashruuca wuxuu yahay mid madax banaan oo awood iyo jirid qaanuuni ah leh, wuxuu la mid yahay Wakaaladaha ama Mashaariicda heerkoodu yahay (A).

Qodobka 2aad

Ujeeddooyinka Mashruuca

Ujeeddooyinka Mashruuca waxay yihiin:-

- 1) Horumarinta Guud ee tacabka beeraha G. W. Galbeed
- 2) Ka horteggidda iyo ciribtirka dhibaatooyinka nabad-dguurka dhulka beeraha.
- 3) Horumarinta waraabinta beeraha Gobolka W/Galbeed iyo hawlaha la xiriira.
- 4) Fidinta aqoonta beeraha iyo tababarka beeraleyda Gobolka
- 5) Tababaridda iyo kor u qaadidda aqoonta iyo waayo-aragnimada shaqaalaha beeraha ee Gobolka.

Godobka 3aad

Xarunta Mashruuca

Godobka 4aad

Awoodda

Mashruuca wuxuu leeyahay awood uu ku fulin karo ujeeddooyinka ku xusan qodobka 2aad ee Sharcigan.

Qodobka 5aad

Xubnaha Mashruuca

Xubnaha Mashruuca waxay ka kooban yihiin:-

- 1) Guddiga Sare
- 2) Maareyn Guud
- 3) Guddiga Fulinta
- 4) Waaxyo iyo xubno kala duwan oo lagu fuliyo ujeeddooyinka sharcigan ku tilmaaman.

Mashruuca wuxuu kaloo yeelanayaa xubin madax-bannaan oo lagu magacaabi doono xubnita Qorsheynta iyo Daraasaadka oo daban doonta howlaha la xiriira Qorshaha iyo daraasaadka.

Qodobka 6aad

Guddiga Sare

- 1) Guddiga Sare ee Mashruuca wuxuu ka kooban yahay:-
 - a) Wahiirka Beeraha (Guddoomiye)
 - b) Wasiirka Maaliyadda (Xubin)
 - c) Guddoomiyaha Bankiga Horumarinta (Xubin)
 - d) Maareeyaha Guud ee Mashruuca (Xoghaya)
- 2) Hawlaha Guddiga Sare ee Mashruuca:-
 - a) Guddiga Sare ee Mashruuca wuxuu ka mas'uul yahay dejinta Siyaasadda Guud ee Mashruuca lagu maamulo. Wuxuu had iyo jeer go'aanno ka gaari doonaa sifaalaha lagu maamulaayo hawlaha la xiriira Mashruuca isagoo tixgelinaya ujeeddooyinka guud ee Mashruuca iyo talada Maareeyaha Guud.

Wuxuu talo ka bixinayaa Magacaabidda Madaxda Mashruuca

Godobka 7aad

Guddiga Fulinta

- 1) Guddiga Fulinta wuxuu ka kooban yahay
 - a) Maareeyaha Guud ee Mashruuca (Guddoomiye)
 - b) Agaahimaha Waaxda dhaqaaleynta Ciidda (Xubin) iyo Biyaha
 - c) Agaasimaha Waaxda Fidinta iyo Horumarinta beeraha Roobka »
 - d) Agaasimaha waaxda Maamulka »
 - e) Agaasimaha waaxda khudrada »
 - f) Khabiirka Farsamada Qalabka »
- 2) Xubnaha Guddiga Fulinta ee kor ku xusan marka laga reebo Maareeyaha Guud yaxay ka koobnaan doonaa koox khubaro ah oo ka caawindoona Maareeyaha Guud Fulinta Howlaha Mashruuca.

Khubarada waxay ku wareejindoonaan Xilka Aqoonyahannada iyo Farsamayagaanada Soomaalida ee Mashruuca hadba sida looga maarmo.

- 3) Hawlaha Guddiga Fulinta Guddiga Fulinta wuxuu si wadajir ah mas'uul uga yahay fulinta ujeedooyinka guud mashruuca ee ku xusan qodobka 2aad ee Sharcigan iyadoo islamarkaasna xubin kasta ay si toos ah mas'uul uga tahay hawlaha u gaarka ah.
- 4) Guddigu wuxuu talo iyo warbixinba ka bixinayaa sida ay u socdaan hawlaha Mashruuca iyo miisaaniyadda isagoo u gudbinayaa Guddiga Sare ee Mashruuca.

Qodobka 8aad

Fadhivadda Guddiga Sare ee Mashruuca

Guddiga Sare ee Mashruuca wuxuu yeelan doonaa ugu yaraan (2) laba fadhi sanad kasta ama hadba sida loogu baadho. Fadhivadda Guddiga Sare ee Mashruuca waxa isugu yeeraya Xoghayahana ka ah Maareeyaha Guud ee Mashruuca.

Waxa kale oo fadhivaddaasi isugu yeeri karo Wasiirka Beera-

Qodobka 9aad

Fadhiyadda Guddiga Fulinta

Guddiga Fulinta wuxuu yeelandoonaa ugu yaraan 1 (hal) fadhi bishii ama hadba sida loogu baahdo. Fadhiyadda Guddiga Fulinta waxaa isugu yeeraya Maareeyaha Guud ee Mashruuca.

Qodobka 10aad

Hawlaha Maareeyaha Guud

Maareeyaha Guud ee Mashruuca wuxuu ahaan doonaa Guddoomiyaha Guddiga Fulinta (PIU), wuxuuna ka mas'uul yahay Maamulka Guud iyo fulinta ujeeddooyinka Mashruuca, qoridda, asluubta iyo daryeelka shaqaalaha, maamulka lacagta, la talinta Guddiga sare ee Mashruuca iyo saxiixa heshiisyada Mashruuca dhan ka yahay isagoo la socodsiiyaaa Guddiga Sare ee Mashruuca iyo kuwa Guddiga fulinta

Qodobka 11aad

Magacaabidda Xubnaha Mashruuca

Maareeyaha Guud iyo Madaxda kale ee Soomaalida waxa lagu magacaabi karaa xeer uu saxiixo Madaxweynaha J. D. S. isagoo tixgelinayaa ra'yiga Guddiga Sare ee Mashruuca.

Qodobka 12aad

Xuquuqda Dhaqaalaha

Xuquuqda Dhaqaalaha ee Maareeyaha Guud iyo Madaxda kale ee Soomaalida waxaa xukumi doona sharciga lamb. 36. ee 22kii Abriile, 1972 iyo Xeerarka lambar M.G.S.K. Lamb 74 ee 22kii Abriile 1972.

Qodobka 13aad

Shaqaalaha

1) «Mashruuca» wuxuu qoran karaa Shaqaalaha uu u baahan yahay iyadoo la raacayo Sharciyadda shaqa qoridda, Islamarkaas Mashruuca wuxuu awood u leeyahay inuu qorto khubarada Ajnabiga ah ee uu u baahan yahay isagoo

2) Shuruudaha Shaqada ee Shaqaalaha Mashruuca waa xukumaya sharcigan iyo qawaaniinta faahfaahsan Regulation) ee Sharcigan la xidhiidha, iyo sharciyada ku xusan qodobka 12 ee Sahrcigan.

Qodobka 14 aad

Raasumaalka Mashruuca

Raasumaalka Mashruuca wuxuu ka kooban yahay:-

1) Lacagta dakhliga ee ka imaanaysa IDA, Dawladda J.D.S iyo beeraleeyda Gobolka oo guud ahaan isku-dhan 13,930,000 oo Doolarka Mareykana ah ama So. Sh. 87,062,500

2) Wixii lacag ah oo ka soo gala hawsha Mashruucu qabto

3) Wixii hanti ah ee Dawladda iy Ururrada Caalamiga ahi ugu deeqaan «Mashruuca»

4) Wixii lacag ah ee Mashruuca Dibedda kaga yimaada amase Waddanka Gudihisa.

5) Wixii lacag kayd ah «Reserve Fund» ee sanad kasta u dhigma «Mashruuca»

6) Wixii hanti ah oo degdeg amase si kale ku soo gala «Mashruuca».

Qodobk 15aad

Miisaaniyadda Mashruuca

Maareeyaha Guud marka ay tahay 30ka Seteember ama inta ka horeysa sanad kasta waa inuu isku dubaridaa miisaaniyadda sanadka maaliyadda soo gelaya isagoo faahfaahinaya kuna muujinaya bandhigga miisaaniyadda lacagta soo geli doonta iyo tan ka bixi doonta wuxuu hordhigi doonaa si loo ogolaado Guddiga sare ee Mashruuca kadib marka uu la tashado Guddiga Fulinta.

Qodobka 16aad

Xisaabdka sanadka

1) Maareeyaha Guud marka ay tahay 31ka Maarso ama inta ka horeysa sanadkasta waa inuu diyaariyo, iskuna soo dubaridda xisaabaadka sanadka iyo bandhigiggii macaashka iyo kharashka Mashruuca ee sanadkii maaliyadda ee horee, is-

lamarkaasna u gudbiya Guddiga Sare ee Mashruuca kaddib marka uu la tashado Guddiga Fulinta.

2) Guddiga Saree ee Mashruuca wuxuu awood u leeyahay inuu oggolaado ama wax ka beddelo xisaabaadka sanadka wuxuuna amar ku bixin karaa in lagu qoro faafinta Rasmiga ah ee Dawladda iyadoo kharashka uu bixinayo «Mashruuca».

Qodobka 17aad

Amaahda

«Mashruuca» isagoo haysta guddoonka Guddiga Sare ee Mashruuca wuxuu awood u leeyahay inuu ka amaahdo lacag xarumaha lacagta (Financial Institutions) ee Dalka iyo Dibadda si uu u hirgeliyo xilka la saaray ama ujeedooyinka «Mashruuca» iyadoo la tixgelinayo raasamaalka Mashruuca oo la filayo in lagu bixiyo amaahdaas.

Qodobka 18aad

Baadhidda Xisaabaadka

Xisaabaadka «Mashruuca» waxaa baahi doona Hantidhowrka Guud.

Qodobka 19aad

Maamulka Lacagta

Maamulka Lacagta ee Mashruuca waxa xukumaya laguna maamulayaa habka ay tilmaamayaan sharciyada Dawladda iyo qawaaniinta faahfaahsan ee la xidhiidha.

Qodobka 20aad

Guddoominta Qawaaniinta Faahfaahsan

Madaxweynaha J.D.S. wuxuu awood u leeyahay isagoo tixgelinaya talada «Guddiga Sare ee Mashruuca» inuu soo saaro xeer faahfaahsan oo tilmaamaya habka hirgelinta qodobadda sharcigan.

Qodobka 21aad

Heeshiiska

Heeshiiska lam. 635/50 ee 7dii Luulyo, 1976kii ee ka dhexeeya J.D.S. iyo Baanka Adduunka (IDA) waa midka ku lifaaqan

sharcigan wuxuuna ka mid yahay isla sharcigan :-
Heshiiskaas waxaa loo beddeli karaa qodobaddiisa hadba
sida labada dhinac oo u khuseeyo isla gartaan.

Qodobka 22aad

Dhaqanka Gelid

- 1) Sharcigan wuxuu dhaqan galay Idii Jannaayo, 1978.
- 2) Sharcigani wuxuu ka mid noqon doonaa sharciyada rasmiga ah iyo xeerarka Jamhuuriyadda Dimoqraadiga Soomaaliya, waxaana lagu soo qori doonaa Faafinta Rasmiga ah ee Dawladda.

Muqdisho, Jannaayo 1978

S/GAAS MAXAMED SIYAAD BARRE

MADAXWEYNAHA J.D.S.